



# Namminersorlutik Oqartussat

## Grønlands Selvstyre

Akilerartarnermut Aqutsisoqarfik

Skattestyrelsen

Kaajallaasitaq nr. 1, 2. januar 2024-meersoq

**Akiitsunik aningaasartakitsunik isumakkeerinnissuteqartarneq aamma  
ernalersuinerup minnerpaaffissaa pillugit kaajallaasitaq**

**Aallaqqaasiut**

Namminersorlutik Oqartussat pisassarisaasa 100 kr.-it taakkunanngaluunniit ikinnerusut Akilerartarnermut Aqutsisoqarfimmit qanoq isumakkeerinnissutigineqartarnissaat kaajallaasitami uani nassuiarneqarpoq. Kiisalu Akilerartarnermut Aqutsisoqarfup ernalersuisarnermini 101 kr.-inik qanoq minnerpaaffiliinissaa nassuiarneqarpoq.

Tunngavik

Isumakkeerinnissuteqartarneq: 2024-mut aningaasanut inatsit – Oqaasertaliussaqaq nr. 2 ”Suliassaqaqarfik 20-24-mut Aningaasaqarnermut Akilerartarnermullu Naalakkersuisoqarfik”.

Ernialersuinerup minnerpaaffissaa: Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi (kingusinnerusukkut allannguutai ilanngullugit) § 45 a.



## IMMIKKOORTOQ 1

*Pisassarisat 100 kr.-inik taakkunngaluunniit ikinnerusunik aningaasartaqaqqaartut sinneqartulluunniit isumakkeerinnissutigineqarnissaat*

Namminersorlutik Oqartussani pisasaqartut pisassarisaasa ilarpassui Akilerartarnermut Aqutsisoqarfimmit akilersinniarneqartarput. Pisassarisat tamakku assigiinngitsorpassuupput, soorlu akileraarutit akitsuutillu, erniat akiliisitsissutillu. Pingaartumik erniat suliat amerlassusii eqqarsaatigalugit initoorujussuupput, akiitsummi ilarpassui pisassarisamut ataatsimut qaammatit aallartinneri tamaasa 1 procentimik ernialersugaasarmata.

Pisassarisat 100 kr.-inik taakkunngaluunniit ikinnerusunik aningaasartaqaqqaartut akiliisitsiniartarfimmut suliakkiutigineqarsinnaanngillat. Taamaattumik pisassarisat taakku akilerneqarnaviannngillat, innuttaasoq nammineerluni akiitsuni pillugit pisortat ataatsimoorussamik naatsorsuuserinermut atortuannut PrismeSEL-imut paasiniaariarluni akiliinngippat.

Taakku saniatigut pisassarisat amerlasuut akiliisitsiniartarfimmut ingerlatinneqarnikuusut ingerlaavartumik akiliisoqartarneratigut ikilisarput, soorlu naafferartumik akilersuinikkut, akissarsianit unerartitsinikkut, ilanngaassuinikkut assigisaatigulluunniit, tamatumalu kingunerisaanik pisassarisat amerlasuut aningaasanik ikittuararsuarnik sinneruttortallit Akilerartarnermut Aqutsisoqarfiup akiliisitsiniartarnermi atortuani PrismeAKI-miippat. Ilutigisaannillu pisassarisat 100 kr.-it inorlugit aningaasartaqaqqaartut amerlasuut PrismeAKI-miippat, tassami PrismeAKI-p pisassarisanik 100 kr.-init ikinnerusunik aningaasartalinnik tigooqqaasarunnaarnissaa aatsaat 2023-mi martsip qaammataani atuutilersinneqarmat.

Pisassarisat PrismeAKI-mi nalunaarsorneqarsimasut Akilerartarnermut Aqutsisoqarfiup pisassarinnngilai, taamaattumillu taakku taassumanga isumakkeerinnissutigineqarsinnaanngillat, kisiannili pisasaqartumut utertiinnarneqarsinnaallutik. Pisassarisat Akilerartarnermut Aqutsisoqarfimmit akilersinneqartut eqqarsaatigalugit taakku PrismeSEL-imi isumakkeerinnissutigineqarnissaat periarfissaavoq. Pisassarisat allanit, tassalu Namminersorlutik Oqartussaneersuunngitsunit, matumani aamma kommuneersuunngitsunit, pisassarineqartut taakkununga utertinneqarsinnaanngillat akilersinniarneqarnerallu ingerlaannarallartussaalluni.

**Akilerartarnermut Aqutsisoqarfiup akiliisitsiniartarnermik immikkoortortaata** Namminersorlutik Oqartussat pisassarisaat PrismeAKI-mi nalunaarsorneqarsimasut 100 kr.-inik taakkunngaluunniit ikinnerusunik aningaasartaqaqqaartut sinneqartulluunniit (erniat il.il. ilanngullugit) tamaasa utertissavai. Tamanna ingerlaavartumik pissaq, aallartinneqassallunilu kaajallaasitap uuma atortuulerneraniit.

**Akilerartarnermut Aqutsisoqarfiup aningaasaqarnermut immikkoortortaata** Akilerartarnermut Aqutsisoqarfiup pisassarisai PrismeSEL-imi nalunaarsorneqarsimasut 100 kr.-inik taakkunngaluunniit ikinnerusunik aningaasartaqaqqaartut sinneqartulluunniit (erniat il.il. ilanngullugit) tamaasa isumakkeerinnissutigissavai. Tamanna ingerlaavartumik pissaq, aallartinneqassallunilu kaajallaasitap uuma atortuulerneraniit.



## IMMIKKOORTOQ 2

*Ernialesuinerup minnerpaaffissatut killiliusseq 100 kr.-it*

Pisortat ataatsimoorussamik naatsorsuuserinermi atortuata PrismeSEL-ip pisassarisat akilernerqanngitsut Akilerartarnermut Aqutsisoqarfiup akisussaaffigisaanik nalunaarsorneqarsimasut (akileraarutissat sinneri, akileraarutit A-t, qamutit motoorillit akileraarutaat il.il) qaammatikkaartumik ernialersortarpai. Pisassarisat ataasiakkaat sinneri qaammatit aallartinneri tamaasa 1 procentimik ernialersorneqartarput.

Kaajallaasitaq una atortuulerpat taamaallaat ernialersuisoqartassaaq piffissami pineqartumi pisassarisat erniaat 100 kr.-init amerlanerussatillugit.

Kim Neumann Nielsen